

اُردو سائنس

نومبر ۲۷

پنجشنبہ

۱۹ مارچ ۱۳۲۴

موجب بولند یغندن شمیدیکی جزا قانوننامه مزك دخی باشند باشه محتاج تعدیل و اصلاح بولندینی آزاده اشباهدر .

مکتب ملکیه ، آذونلرندن

ابراهیم احسان

مسئله شرقیه

۶ .

عین شرائط ایله عین تکلیف باب عالی یه ده تبایغ ایدیله جك ، عدم موافقت جوابی اعطا ایدلرکی تقدیرده دولت عثمانیه اراضینك فرانسه ایله روسیه بیننده کیف مایشا تقسیمی مسئله سی موضوع بحث اوله جق ایدی . شو تقسیم مسئله مهمه سی شایان دقت بر صورتده ترتیب و تنظیم ایدلشدی . متوسط استیدیکی زمان تأخیر ویا تعجیل ویا خود تدریجی صورتده موقع فعله وضع ایده جکفی تصریح ایلمککی احوال ایتماش ایدی .

اشبو تیسایت معاهده نامه سنك عقدنده هر نه قدر طرفینجه بعض جزئیات قیلندن اولق اوزره حسن نیت اراز ایدلدیسه ده اساساً عقیدنی متعاقب انحلالی آشکار بر حالده رونما اولمقده ایدی . اشته حسن نیتدن تمامیله عاری بولسان اشبو معاهده نامه نك همان عدم موفقیتیه دوچار اولرق اعمیتدن ساقط اولمی يك طبیعی ایدی معاهده نامه نك عقیدنی متعاقب طرفینده کوریلن خواهش و مسرت تعریفدن مستغنی بر حالده ایدی . آلکساندرک خوشنه کیمین فرانسه سفیری جنرال « ساواری » Savary همان عزل ایدیله رك یرینه Caulaincourt قولنقور تعیین واعزام قانندی .

موسیو دو قولنقور روسیه سرای امپراطور یسنده يك زیاده مرعی الخطا طرایدی . معاهده نامه احکامنی موقع فعله قویق استدلر ، انکلتراه الکساندر تکلیف واساطنده بولندی فقط لوندره قایمیه سی روسیه امپراطورینك اشبو تکلیفنی کمال شدتله رد ایلدی . بونك اوزرینه روسیه تکمیل لیا نلرینی انکلین تجارتنه ، کیملرینه سد

ایده رک قوپنهاگن طوبه طوتمسنى متعاقب انکلتريه اعلان حرب ایلدی. مع مافیه خولای فتوحات ایله پر نشئه و شطارت کسیلان روسیه نك اك زیاده اعمال افکار ایلدیکی جهت ممالک شرقیه ایدی. تیسایت معاهده نامه سنده معلق بالشیرط اولان تقسیم مسئله سنی ناپولئون قارشو استقباله عائد مسائلدن اوله رق کوستردیکی حالده شمدی همان وقوعی ارزو ایلوردی. معاهده نامه ده، روسیه ایله دولت دولت عثمانیه بینده متارکه عقدیله مملکتین روسیه طرفدن تخلیه قلنه جنى تصریح ایلدیکی حالده روسیه، خلاف شرط در حال مملکتینی حوضه ممالکنه ادخال ایلیمه جکئی ناپولئون اشعار ایدیور ایدی. حال بوکه، ناپولئون بوشانده انکلتريه ایله مجادله یی بتر می اخص امل ایدمش ایدی. ایتالیانک استیلا سنی اقامه غیرت واسپاسیانی بسبتون ید مملکنه ادخاله همت ایله مشغول اولان ناپولئون آلمانیانی انکلتريه امتعه سنه قارشو سد ایلمک چاره لرینی تحری ایدیوردی. بوکی مسائل مهمه نك صورت حلی ایله اشتغال ایدن ناپولئون بر طرفدن ده تورکیانك صورت تقسیمی احضار ایدیور و فقط دیکر طرفدن انگلیز سفائن خریه سی بحر سفیده کال فعالیتله ابراز سطوت ایلمکده بولنیور ایدی :

ایمپراطور الکساندر، ناپولیونی تضییق ایدنجیه فرانسه معاهده نامه نك متنی سیر اتخاذ ایدره رک تعلل ایلمکه باشلادی. فرانسه حصه سنه بیوجک بریارچه نامین ایدلمکجه روسلرک افکارینه مامشات ایلمز اولمش ایدی، (اییه نا) محاربه سندن طولانی فوق العاده خساره اوغرایان برسیاسیه نك الده ایدلمسی مقصده کافی دکلدی. ناپولئون بر آراتق روسیه نك مملکتی ضبط ایلمه سنه مقابل کن دیسنک سیلریا قطعه سنی تسخیر ایله ضمیمه ممالکی ایدلمسی طلب ایلدی .

الکساندر، ناپولئونك اشبو تکلیفی کال شدتله رد ایتدی . ناپولئون اسوج حکومته تابع بولنان «فنلانده» قطعه سنی ضبط واستیلا سنی چار آلکساندره توصیه ایتیمکده ایدی. الکساندر، ناپولیونك بوتکلیفی بر شرطله، یعنی تورکیا حقنده بسلیدی فکرک اجراسنه مساعده ایدلمک شرطیله قبوله مهیا اولدیغنی بیلدیریور ایدی. هر نه قدر ناپولئون چار آلکساندره آره صره - استشاره -

هدایای کرانها ارسالی صورتیله خوش کورنمکه چالیشور ایسهده بر درلو
ایمراطوری تطیب ایدمیور ایدی . آلساندیر همه حال تورکیادن حصه
جسیمه سی بر آن اول الله ایتکی هدایا اخذندن دهاموافق منفعت بولیور ایدی .
انکلتزه ، فرانسه نك کوندن کونه توسع ایدن نفوذ و تفوق قارشوسنده بویون
ا که جك اولسیدی بالطبع ناپولیون تداییر فوق العاده انخازندن واز چکردی
حال بوکه ، ۱۸۰۸ سنه سی کلنون نایسی ظرفنده ایدی که انکلتزه قایینه سی غایت
شدنی بر بیاننامه نشر ایلدی . بونك اوزرینه ناپولیون نه یاهجفی شاشیره رق
آلساندیر بر طاقم تکالیف عجیبه سرد ایلدی .

« قوتلی بر «روس - فرانسر - اوستریا» اردوسی فرات وادیسنه طوغری
یورویه جك اولور ایسه هر حالده انکلتزه مشکل موقعده قالیر . . . » دیهرک
روسیه یی هندستان اوزرینه یورومکی و تورکیایی روسیه نك اوزوسی وجه ایله
تقسیم ایلیمسی بی محابا ایمراطوره یازیوردی . بالخاصه بومستله مهمه بی پترسبورغده
موقع مذاکره و مناقشه یه وضع ایلیمسی ایچون سفیری Caulanincourt « قولنقوره
اوامر مخصوصه اعضا ایلور ایدی . آرتق چار آلساندیر پیش خیالندن کچن
تصورات واسغه موهومه سنك نهایت لایس لباس حقیقت اوله جفته یواش یواش
اطمئنان تام پیدا ایلیمکده ایدی . ایمراطورده ، ناپولیون کی ، خارجیہ ناظری
Raumientzoff «رومیہ نجوف» . هان مذاکراته باشلامسی حقنده امرور یوردی .
ایکی مرخص باش باشه قوجه عثمانلی دولتی پایلاشمقده ایدیلر . روسیه نك
حصه سنه افلاق ، بغداد ، و فرانسرلرده بوسنه ، هر سك قطعه لرینی تفریق
و تخصیص ایدیورلر ایدی .

ارتق قوجه ایمراطور آلساندیر سوئچندن نه یاهجفی شاشیرمقده ایدی
قوجه پترولرک ، قاترینه لرك غایه املی . اقصای خولیای دلفریجی اولان قسطنطنیه نك ،
استانبولک بویله قولایجه ، ناپولیونك « آل سنك اولسون » دیمسیله اله کیره جك
قدر ، بسیط بر فحی ایچون اسلافنك بو قدر زحمت چکدکیرینه طوغریسی
حیرتدن کندینی آله میور ایدی .

چاره استانبولی سربست بر شهر حالنده قالمسنى آرزو ایدرکی کورینورایکن
 «یوق استانبول بئم اولمیدر» دییهرك صرف کندینه تخصیص ایدیور ایدی .
 فرانسه سفیری Caulanicoourt قولنقور چارك بو تصوراته اعتراض ایلمیور
 ایسهده بوغازلردن هیچ اولماز ایسه چناق قلعه بوغازینك فرانسه یه تركی مناسب
 کورینور ایدی . بو خصوصده مرخصلرك ترتیب واحضار ایلدکاری ایکی پروژه
 نمونه سی ناپولیونه تقدیم ایلدی . ناپولیون، مرخصلرك بو قدر فداکارلق
 ومناقشه نتیجه سنده ترتیبه موفق اولدقلری پروژه لری نظر اهمیته بیله آلمدی .
 بوناپارط، شرق مسئله سنى بالذات کندیسى حل ایده جكدی .

چار ایله یکیدن ملاقات ایلمك لزومنى حس ایدن ناپولیون بر موعده تلافی
 تعیین ایدلمسنى روسیه سرای ایمپراطور بسندن شباطك برنجی کونی طلب ایلدی .
 ۱۸۰۸ سنه سی صوك بهاری ایچنده آلمانیا شهرلردن بریسندنه ملاقات ایدلك
 خصوصى تقرر ایتدی . ناپولیون آلت اوست ایلدیکی اورویانی عادتاً روسیه چاريله
 یابلاشمق استیور ایدی . روسیه یه خیلی شی ترك ایده جكدی فقط کندى حصه سینه
 دهها زیاده دوشمى ده طلب ایلور ایدی . بو کی افکار واسعه نك ساحه آرای
 حصول اولمى ایچون حرکات جسیمه یه لزوم اولدیقى تقدیر ایدیور ایدی .
 قورفو جزیره سنده بر چوق لوازم احضار ایتدیرمکده وتکمیل فوای بحریه سنى
 بحر سفیده جاب و جمع ایله یکیدن بر مصر سفری تصور ایتمکده ایدی .
 ۱۸۰۸ سنه سی نهایتنه طوغری ناپولیون تکمیل قوتيله شرق اوزرینه یورومك
 اوزره حرکت ایده جكدی . اشته بو ائنده کیم بیلیر احوال عالم نه رنگ کسب
 ایده جك ایدی . اسپانیا مسئله سی ناپولیونی شرق سفرندن صرف نظر ایلمک
 مجبور ایلدی .

الچقجه سینه اغفال ایدیلن «بوربون» لر – Bourbons – ژوزف بوناپارطك
 القا ایلدیکی خوفدن طولانی صحنه سیاستدن چکلمکی مناسب کورمه شلر ایدی .
 فقط ملت ، بوربونلره روا کوریلن حقسز معامله دن بك زیاده دلگیر اوله رق
 عمومیتله ایاقلانیدیلر . ۱۸۰۸ سنه سی مارتنده ژوزف بوناپارط مادرید شهرینی

ترک مجبور اولدی . فرانسر اردوسی ده پیره نه انکلیس نه طوغری چکلدی . دیگر طرفدن اوستریا ناپولیوندن نومید اولدیغندن جسم براردو ایله آلمانیا اور-
 تمسنه آتدی . اشیه بوقایع ایکی ایمپراطورک شرق حقنده کی تصوراتی هرج و مرج
 ایلدی . ناپولیون اسپانیولاردن بالذات اخذانتقام ایلمک وعینی زمانده اوستریا به
 حدینی بیلدیرمک استیور ایدی . بوکی مشکلا نه رغماً ناپولیون ، چاره ویردیکی
 سوزی طوتدی . ایکی ایمپراطور ایلول اواخرنده ارفورت Erfurt شهرنده
 یکدیگری نه ملاقی اولدیلر . رسم قبولاره ، رسم یکیدلره علاوه ایدیان تیاترولر
 ظاهرأ ایکی ایمپراطور آره سنده کی مودتک درجه نهاییه واصل اولدینی فکرینی
 ویرمکده ایسه ده حقیقت حالده ایکی ایمپراطورک یکدیگری نه امنیت . متقابلهری
 قالدینی رعنا اکلاشیلو ایدی . تورکیانک تقسیمی مسئله سی آتی به ترک ایلمک
 خصوصنده اتفاق ایلدیلر ایسه ده چار الکساندر بهمه حال ماده مستفید اولمق استیور .
 و بو خصوصده ناپولیونی تضییق ایدیور ایدی . ناپولیون ، چار ناچار ، افلاق
 و بغداد قطعهرینی الکساندره ترک ایدیور . و مقابلنده هیچ برشی الده ایده میور
 ایدی . فقط مشترکاً دولت عثمانیه به اعلان حرب ایدرک ده ازیاده تمتع تأمین
 چاره لرینی احضار ایتمشلر ایدی . ناپولیون بوقدر فدا کارلغه مقابل ، ژوزف
 یونایارطک رسماً طانمسی کیفیتله ، انکلتربه بالاتفاق حرب ایلمک و اوستریانک
 فرانسه به هجومی تقدیرنده کذا اوستریا به قارشو محاربه به کیریشمک خصوصنده
 وعد آلمق کی موفقیات موعوده به دسترس اوله بیلدی .

سعاد مختار

اوستریا و شرق

بالقان شبه جزیره سی ایشلرنده نه درجه حائز حکم و نفوذ اولدینی هنوز
 تمایله ازاله ایدیله مامش اولان بحران حاضر انساننده دخی برقاندها تعین ایدن
 اوستریا و مجارستان حکومتک آتیمی حقنده اورویا ارباب سیاستی ایله برابر
 سیاسیون عثمانیه جه دخی برطاقم افکار و ظنیات موجود اولوب بوافکار و ظنیات